


Ibuku rĩa Ngai kũrĩ ciana
nĩrĩrakũrehera



Mũndũ wa
Mwaki



Rwandĩkĩtwo nĩ: Edward Hughes

Rũthathaũrĩtwo nĩ: Lazarus
Alastair Paterson

Rũharĩrĩirio nĩ: E. Frischbutter

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org


©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.




Maũndũ mothe moonekaga marĩ mooru kũrĩ Isiraeli.
Mũthamaki na mũtumia wake nĩmameneete Ngai.
Ūyũ waarĩ mũhiano mooru atĩa! Ona andũ makĩmena
Ngai na makĩhooya ngai cia maheeni. Nĩ kũrĩ mũndũ

wendeete
Ngai?



Ĩĩ, nĩkwarĩ andũ aniini maarĩ ahooi eehokeku.
Mũthenya ũmwe Ngai akĩaria na ũmwe waao,
wetagwo Elija.



Elija akĩira mũthamaki
mwaganu Ahabu, "O ta
ũrĩa Mwathani Ngai
wa Isiraeli atũũraga
muoyo, gũtigakorwo
na ime kana mbura
mĩaka ĩno, tiga
njuge kiugo." Ũũ
nĩ kuuga ng'aragu
ikĩingĩra! Ngai
ndangĩarekire andũ
aake Isiraeli mathĩ
na mbere na
waganu wao.






Thuutha wa
gũkaania
mũthamaki,
Ngai agĩtũma

Elija handũ haarĩ hahoreru bũrũriinĩ. Kũu, hakuhĩ na
karũũĩ, Elija agĩeterera. Ngai agĩtũma magoogo
mamũhe irio. Makĩrehe mũgate na nyama, rũciinĩ na
hwaĩinĩ. Na Elija anyuaga maaĩ kuuma karũũĩ kau.





Thuthainĩ
karũũĩ
gakĩũma,
nĩũndũ

gũtiaurĩite kũu. Kiugo kĩa Ngai nĩkĩahingaga.
Bũrũri wothe ũkiaga maaĩ. Irio ikĩaga gũkũra.
Andũ makĩgĩa ng'aragu. Nogũkorwo Elija nĩamakaga
nĩ kĩĩ gĩkũmũhanĩkĩra tondu rĩu gũtiarĩ na maaĩ.



Ngai akĩira Elija, "Arahũka, ũthĩ Zarefathu, na ũikare kuo. Rora, nĩnjathĩite mĩtumia wa ndigwa akũhe irio."



Ngai nĩamenyaga mabataro ma ndungata yake. No ĩno yaarĩ njĩra ya mwanja atĩa ya kũmũhe irio. Enyihĩitie, Elija agĩathĩkĩra Ngai.

Rĩrĩa akinyire Zarefathu, mĩtumia

ũcio wa ndigwa aarĩ kĩhingoinĩ gĩa ituura agĩetha ngũ.



Elija akĩhooya mūtumia,
"Ndakũhooya ndehera
maaĩ maniini gĩkombeinĩ.
Ndakũhooya ũndehere
gĩcunjĩ kĩa mũgate."




Mūtumia wa
ndigwa agĩcookia,
"Ndirĩ na mũgate.
Kĩrĩa ndĩ nakĩo no
ngundi ya mũtu
mũkebeinĩ na
tũguta tũniini
gacuubainĩ."




Mũtumia akĩira
mũnabii arĩ na
kĩeha atĩ ciathira,
we na mũũrũwe no
gũkua magũkua.



Elija akiuga, "Ndũgeetigĩre. Amba ũruge gakeeki, ũcooke wĩrugĩre na mũũrũguo. Mũtu ndũgũthira, kana maguta, nginya rĩrĩa Mwathani agatũma mbura gũũkũ thĩ." Nonginya Ngai angĩaringire kĩama nĩguo ũndũ ũcio wĩkĩke. Na agĩka ũguo! Mũtumia na mũũrũwe makĩrĩa thikũ nyingĩ, na mũtu ndwathiraga, kana gacuuba gũthira maguta.



Elija agĩikara nao. Mũthenya ũmwe ũndũ wa kĩaha ũgĩĩkĩka. Mũũrũ wa mũtumia ũyũ wa ndigwa agĩkua. Elija agĩkuua mwĩrĩ wa kahĩĩ kau akĩũtwara nyũmba ya igũrũ. Akĩrĩrĩra Ngai akiugaga, "We Mwathani wakwa ndĩrahooya ũreke muoyo wa mwana ũyũ ũmũcokerere." Rĩĩrĩ rĩarĩ ihooya iritũ atĩa!



Mwathani akĩigua mũgambo wa Elija na muoyo wa mwana ũkĩmũcokerera, na akĩriũka. Rĩrĩa Elija oire mwana na akĩmũneana kũrĩ nyina, nyina akiuga, "Rĩu nĩndamenya atĩ kiugo kĩa Ngai kuuma kanuainĩ gaaku nĩ cia ma."




Thuutha wa mĩaka ĩtatũ Ngai agĩtũma
Elija acooke kũrĩ mũthamaki, akĩmwĩra,
"Nĩngũtũma mbura yuure gũũkũ thĩ."



Thĩ kũrĩ Ahabu? Mũtumia wake Jezebeli nĩoragĩite
anabii igana rĩmwe a Ngai. No Elija ndakararirie.
Agĩthĩ kũrĩ Ahabu.



Rĩrĩa andũ acio eerĩ
macemanirie, Elija
akĩĩra Ahabu
acokanĩrĩrie Aisiraeli
othe hamwe na anabii
a maheeni 850.
Elija akĩarĩria andũ
kĩrĩmainĩ gĩetagwo
Karimeli. "Angĩkorwo
Mwathani nĩ Ngai,
mũrũmĩrĩreei."



Elija akiuga ndegwa igĩrĩ iharĩrĩrio arĩ cia igongoona. Hatirĩ mwaki waarĩ ũhũthike kũrĩcina. Akiuga, "Mwĩte rĩitwa rĩa ngai cianyu, nanĩ nĩngwĩta rĩitwa ria Mwathani. Na Ngai ũrĩa ũgũcookia na mwaki, ũcio nĩwe Ngai." Andũ magĩcookia, "Nĩwauga wega."



Kuuma rŭciinĩ nginya hwaĩinĩ anabii a maheeni magĩĩta
ngai ciao cia maheeni. Makĩrũũgarũga na makĩina na
magĩĩtinangia na tũhiũ nginya makiura thakame. No
hatirĩ mwaki wookire.





Elija agĩcooka
akĩihũgia ngũ na
igongoona na maaĩ,
na akĩhooya. "We
MWATHANI,
njigua, nĩguo andũ
aya mamenye atĩ nĩ
we MWATHANI
Ngai . . ." Mwaki
wa MWATHANI
ũgĩikũrũka.
Ũgĩcina ndegwa
na ngũ. Ũgĩcooka
ũgĩcina igongoona
ria mahiga!



Rĩrĩa andũ moonire ũguo, makĩanĩrĩa,
"MWATHANI, wĩ Ngai!" nake Elija
akiuga, "Nyiitai anabii a Baali.
Mũtikareke ona ũmwe oore!" Elija
eekire ũrĩa mũthamaki Ahabu
angĩekĩite tene. Akĩũraga anabii
a maheeni.



Ndungata ya Ngai
ĩgĩcooka ĩkĩĩra Ahabu atĩ
mbura nĩyookaga. Gatu
kaniini gakĩumĩra. Hiihi
nĩgũkuura? Thuutha wa makĩria
ma mĩaka ĩtatũ ya ng'aragu nene?





Thuutha wa kahinda
kaniini, igũrũ rĩgĩtuka
na matu na rũhuuho,
na gũkĩgĩa mbura nene.
Ngai agĩtũma mbura.
Ngai akĩonia andũ atĩ
Elija aragia ma. Ngai
akĩonania atĩ we wiki
nĩwe Ngai wa ma.



Nĩũgwĩciiria mũthamaki
Ahabu nĩatĩire Ngai na
ndungata yake Elija? Aca!
Jezebeli ona ageririe
kũũraga Elija, no akĩũra.
Mũicoĩnĩ, Ahabu agĩkua
arĩ mbarainĩ na ndungata
cigĩikia Jezebeli akĩgũa
rũthingoinĩ rũnene kũu
thingirainĩ. Akĩgwĩra
mahiga thĩ agĩkua.





Nĩ kĩĩ kĩaahanĩkĩire Elija?
Mũthenya ũmwe Ngai agĩtũma
ngaari ya mwaki irĩ na mbarathi
cia mwaki; Elija, mũndũ wa Ngai
wa mwaki, agĩkuuo nĩ kĩhuhũkanio
kĩa rũhuuho agĩthĩĩ matuinĩ.



Mũndũ wa Mwaki

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

1 Athamaki 17-19, 2 Athamaki 2

"Ciugo Ciaku ciatarĩrio nĩrehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuĩnĩ rĩa Ngai,
rũratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũcĩĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

